

Бекітемін
Аққайын МДҰ
меңгерушісі м.а. С.К. Ярова
«28» 28 2019ж



Пед. кеңесте
№ 1 хаттамасы
«28» 28 2019ж

**«Күншуақ» Ортаңғы тобының
ата-аналармен жүргізілген жұмыс
жоспары**

2019-2020 оқу жылы

Ата – аналар жиналысының жоспары 2019жыл

Мақсаты: Балабақшамен ата – ана арасындағы қарым – қатынасты күшейте отырып, отбасында балаға ата – ананың ықпалын арттыру.

Бала тәрбиесінде ата – ананың алатын орнының ерекше екенін түсіндіру. Ата-аналарға тәрбиелеу үдісіне қажетті әгістемелік педагогикалық кеңестік көмек көрсеті.

Мерзімі	Мазмұны	Жауапты
Қыркүйек	<p>Ата – аналар жиналысы</p> <p>1.«Ата - аналар алдында қойылатын мақсаттар мен міндеттер». Ата - аналар кеңесін сайлау және оның жұмысын жоспарлау.</p> <p>2. «Мектепке дейінгі балалардың шығармашылық қаблеттерін дамыт» (Баяндама)</p> <p>3. Балабақша ережелерімен және жаңа стандарт талаптарымен таныстыру</p>	<p>Тәрбиешілер: Шынбергенова.К.К Мамбетова.Г.Б</p>
Желтоқсан	<p>1.І – тоқсан қортындысы</p> <p>2. «Төрлет Жаңа жыл» ертеңгілік. Кеңес:</p> <p>3.«Балалардың интеллектуалдық даму»</p> <p>4. «Отбасы мен балабақша ынтымақтастығы</p>	<p>Тәрбиешілер: Шынбергенова.К.К Мамбетова.Г.Б</p>
Наурыз	<p>1.ІІ- тоқсан қортындысы</p> <p>2. «Аяулы анашым» 8 – наурызға арналған ертеңгілігі</p> <p>3. «Балалардың шығармашылық қабілеттерін дамыту кезінде жұмыстың жаңа озық әдістері» (Баяндама)</p>	<p>Тәрбиешілер: Шынбергенова.К.К Мамбетова.Г.Б</p>
Мамыр	<p>Ата- аналар жиналысы</p> <p>1.Білім көрсеткіш мониторингтерімен таныстыру</p> <p>2. Ата-аналарды жазғы маусымның шынықтыру жұмыстарымен танысты</p>	<p>Тәрбиешілер: Шынбергенова.К.К Мамбетова.Г.Б</p>

Ата –аналармен – өткізлетін жылдық жұмыс жоспары 2019 жыл

Мерзімі	Мазмұны	Жауапты
Қыркүйек	1.Ата-аналар жиналысы"4-5 жастағы балалардың ерекшелігі" 2.Ата-аналар коммитетін сайлау 3.Ата-аналармен тренинг жүргізу Тақырыбы:Сіз қандай ата-анасыз	Тәрбиешілер: Шынбергенова.К.К Мамбетова.Г.Б
Қазан	1.Ата-аналарға сауалнама жүргізу Тақырыбы: "Сіздің көңіл-күйіңіз" 2."Тәуелсіздік-тірегім" тақырыбында газет көрмесі	Тәрбиешілер: Шынбергенова.К.К Мамбетова.Г.Б
Қараша	1.Ата-аналарға кеңес Тақырыбы: Баланы қалай тәрбиелеу керек?	Тәрбиешілер Медбике
Желтоқсан	1.Ата-аналар жиналысы 2.Жаңа жыл Мерекелік іс-шараға дайындық	Тәрбиешілер: Шынбергенова.К.К Мамбетова.Г.Б
Қаңтар	1.Ата -аналарға кеңес Тақырыбы: Баланы «таяқсыз» да тәрбиелеуге болады 2."Біздің қысқы демалысымыз " тақырыбында газет шығару	Тәрбиешілер: Шынбергенова.К.К Мамбетова.Г.Б
Ақпан	Тақырыбы: 1."Отбасы,бала, балабақша " дөңгелек үстел тренинг	Тәрбиешілер: Шынбергенова.К.К Мамбетова.Г.Б
Наурыз	1.Ата-аналар жиналысы Баяндама: « Балалардың шығармашылық қабілеттерін дамыту кезінде жұмыстың жаңа озық әдістері» 2."Қолөнер" көрме ұйымдастыру	Тәрбиешілер: Шынбергенова.К.К Мамбетова.Г.Б
Сәуір	1."Мен және менің отбасым"тақырыбында спорттық жарыс	Тәрбиешілер: Шынбергенова.К.К Мамбетова.Г.Б Дене шынықтыру нұсқаушысы
Мамыр	1.Балалардың білім мониторингімен таныстыру.	Тәрбиешілер: Шынбергенова.К.К Мамбетова.Г.Б

« Акқайың» МДҰ

Баяндама
« Бала – сенің бауыр етің»



Тәрбиешілер : Шынбергенова.К.К.

Мамбетова.Г.Б.

Талдысай ауылы 2019ж

Баяндама

Тақырыбы: «Бала – сенің бауыр етің»

Максаты: Отбасындағы ата – ана мен бала арасындағы қарым-қатынасты нығайту, ананың мейірімін, махаббатын, жақсылығын түсініп, оған балалық сүйіспеншілікпен жауап бере білуге баулу. Балаларға адамгершілік тәрбиесін бере отырып, оларды өзін - өзі тәрбиелеуге, өз ойын, ішкі сезімін ашық айтуға дағдыландыру.

I. Кіріспе

- Құрметті ата – аналар, бүгін біз сіздерді «Бала – адамның бауыр еті» деген тақырыпта пікірлесіп, ой бөлісейік деп, ата – аналар тренингін өткізіп отырмын. Өздеріңіз білесіздер, бала тәрбиесінде сіздердің алатын орындарыңыз ерекше.

Аналар мен балалар дөңгелене жайғасып отырады.

- Балалар, көңіл күйлеріңіз қандай?

- Тамаша.

- Балалар, біздің аналарымыз бізге шуақ шашын, жылы лебіздерімен, жақсы сезімдерімен қоршап тұр. Аналарымыздың ыстық жүрегінен қуат алып, бір – бірімізге жылы лебіздерімізді алақан жылуы арқылы білдірейік.

- Ашық аспан тілеймін!

- Мен өзіме және өзімнің туыстарыма, анама, әкеме, әжеме, ағама және кішкентай бауырларыма денсаулық тілеймін!

- Менің отбасымда тыныштық және сүйіспеншілік болсын!

- Өзімнің көршілеріме, таныстарыма, достарыма бақыт тілеймін!

- Біздің елімізде, бүкіл жер шарында бейбітшілік болсын!

- Аналарымыз аман болсын!

- Ата – ананың сүйікті баласы бол!

- Айтқан тілектеріңіз қабыл болсын, осындай сөз үйреткен біз тәрбиешілеріміз бен ата – аналарымызға рахмет!

II. Бөлім

Сезім бөлісу сәті

А) Аналар баласына жай уақытта айта алмайтын тәтті сөздерін, ойларын, тілегін айтсын (3 – 4 ана) «Айналайын құлыным.....»

Ә) Баласы анасына деген өз жүрегіндегі сезімін білдіреді. «Анашым», «Менің анам қандай сұлу», «Анам менің бақытты».

III. Бөлім

Ата – аналар үшін жағдаяттық сұрақтар

А) Балаңыз сізге көмектесіп, үй жинастырып жүріп байқаусызда қымбат ыдысты сындырып алды. Сіздің іс - әрекетіңіз? (баланы жұбатып, әдейі істемегенін айтасыз)

Ә) Баланы жазаладыңыз, содан соң ғана өзіңіздің артық кеткеніңізді байқадыңыз. Не істейсіз? (Өз қателігіңізді мойындап, үлкендер де қателік жіберетінін түсіндіресіз)

Б) Балаңыз түрлі сұрақ қойып, жауап беруіңізді өтінеді. Сіз шаршап тұрсыз қалай жауап бересіз? (шаршап тұрғаныңызды түсіндіріп, жауабын белгілі бір уақытта беруді белгілейміз)

В) Балаңыз көшеден киімін ластап келді, сіздің әрекетіңіз. (Сен көшеден лас болып келгенде мен саған ренжимін)

Г) Сіз үйге келгенде балаңыздың ойыншықтарды қоқыс қылып үйінді жасап отырғанын көресіз, ренжисіз. Сіздің көзқарасыңыз? (Маған сенің ойыншықты өз орнына жинамағаның ұнамайды)

Балалар үшін логикалық ойындар

А) Әр түрлі қолғаптардың сыңарын табу. (алдымен түсінік жұмыстары жүргізіледі)

- Мынау не?

- Қолғап.

- Оны қай кезде киеміз?

- Қыста.

- Сенде неше қол бар және саған неше қолғап керек?

- Екеу.

- Олай болса мыналардың ішінен бір пар қолғапты іздеп жауып ала қой.

Ә) Сұрақтарға жауап алу.

1. Күндіз жарық, ал түнде...? (қараңғы)

2. Аспан көк, ал шөп...? (жасыл)

3. Кішкентай сиыр - ол бұзау, кішкентай ит – ол..., кішкентай қой – ол...? (күшік, қозы)

4. Ит тауыққа ұқсай ма, әлде мысыққа ұқсас па? Несімен ұқсас?

5. Қарт адам мен жас адамның айырмасы неде?

IV. Көрініс

«Шалқан» ертегісін тамашалау

V. Бөлім




Қауышу сәті

Әр ана өз балаларына ризашылығын білдіріп, құшақтап отыруына болады.

VI. Бөлім

Қорытынды бөлім

Ән: «Аналардың тілегі»



« Аққайың» МДҰ

Баяндама

**«Балалардың шығармашылық қабілеттерін
дамыту кезінде жұмыстың жаңа озық
әдістері»**

Тәрбиеші : Шынбергенова.К.К.

Талдысай ауылы 2019

«Балалардың шығармашылық қабілеттерін дамыту кезінде жұмыстың жаңа озық әдістері»

Қазіргі күні егемен Қазақстан үлкен әлеуметтік- экономикалық және мәдени өзгерістер жолында . Бұл өзгерістер уақыты білім беру жүйесінің беріктігін сынап, жаңа педогоикалық ойларға , оқушы мен оқытушының арасындағы қарым-қатынас жасаудағы әдіс-тәсілдерінің жаңа жолдарын іздестіруге мәжбүрлейді. Әсіресе , өткен жылдардың тәжірибесіне сүйеніп отырған мектепке дейінгі білім жүйесінің жаңалап дамуына әсер етті. Баланың өмірінде ең маңызды кезең балалық шақ болғанымен , соңғы он жылдың ішінде мектепке дейінгі оқыту жағымды жағына өзгерді . Қабылданған «Білім туралы » Заңында білімнің демократизациясының және гуманизациясын қамтамасыз етіп отырған нормалар жазылған . Бұл заң арқылы ұлттық және әлемдік мәдениет , адамның жалпы құндылығы, оқу тілінің еркін таңдауы және қалаған оқу жері негізінде, мемлекет пен баланың даму қалыптасуына ықпал ететін керекті жағдай жасауға –мектепке дейінгі білімнің ең басты мақсаты болып анықталды . Қазақстандағы мектепке дейінгі тәрбиенің даму жүйесі- мектепке дейінгі барлық білім кезеңдеріндегі тұлғаның әртүрлі оқу қажеттілігіне жарауының бағыт-бағдармен сипатталады. Мектепке дейінгі оқытудың базистік оқу жоспарына көшуі әр мекеменің білім берудегі тұлғалы –бағдарлы мазмұнын , жаңа оқу технологиясын ендіру және оларды балабақша жұмысында жұмсауы сияқты балабақшадағы білім берудің дәстүрлі емес әдістерін қолдану жағдайын әлі де өзекті мәселе қылып көрсетіп тұр . Білім берудегі тұлғалы-бағдарлы бағыт бала тұлғасын қалыптастырады , ал ол болса өз кезегінде көбінесе оның тұлғалы дамуының бағытымен анықталады . Сол кезде , балаға оқу үрдісін амал-тәсілін білу үстіндегі өзін-өзі тану құқығы қалады , сонымен қатар оқумен байланысты емес жағдайларда қолданылатын білім мен шеберлікке үйрене берудың тұлғалы-бағдарлы жағдайын жасауға көмектесетін кезең болып табылады, ал бұл көбінесе оқушыға бағытталған және оқу үрдісінің жаңарту жолындағы келесі жағдайда қызмет етеді :

Жеке тұлға және деңгейлі дифференсация ;

Информатизация ;



Даму арқылы интенсификация ;

Осылардың барлығы баланың белсенділігін жоғарылатуға , біліммен шеберлікті менгеруге көмектеседі .

Мектепке дейінгі жастағы балаларды математикадан білім берудің алдында-олардың тану қызметінің белсенділігі , білім алудағы шығармашылық қатынастың қалыптасуы болып тұр . Баланың оқу танымдылық қызметі және білім алу арқылы ақыл-ойдың , зеректіктік тұлғалық ерекшеліктері дамиды . Осылардың барлығы ұжымдық оқу кезінде жеке тұлғалық дидактикалық ұстанымның қажеттілігін білдірді . Балалардың жеке тұлғалық оқытудың келесі ұстанымы- дифференциялық оқытуы . Оның ең маңызды шарты – әр баланың жеке тұлғалық ерекшелігін ескеру және білу болып келеді . Математика санаудан емес , жұмбақтан басталады, яғни, туындап тұрған мәселеден.

Балалардың шығармашылық ойлауы даму үшін , бала танырқаушылық пен қызығушылықты сезу керек. Әр бала қиыншылықтардан өту , мәселелерді шешу арқылы ғана шығармашылық әлеміне шыға алады . Яғни , балаларды шығармашылық еңбекке дайындаудағы психологиялық негізі мектепке дейінгі жаста қалыптасады . Сол кезде қиялы , шығармашылық ойлауы , көріністі қадағалауы және талдау , салыстыра алатындығы, деректі талқылауы, қорытынды жасауы сияқтылар дамиды .

Яғни дәстүрлі емес әдіс-тәсілдер баланың жеке тұлғалық қабілеттерін көрсетуге мүмкіндік туғызады.





« Аққайың» МДҰ

Баяндама

**« Мектепке дейінгі балалардың шығармашылық
қабілеттерін дамыт»**

Тәрбиеші : Мамбетова.Г.Б.

Талдысай ауылы 2019

« Мектепке дейінгі балалардың шығармашылық қабілеттерін дамыт »

Мектепке дейінгі жасөспірім баланы тәрбиелеу мен дамыту ісіне байланысты мақсаттарды шешуде театр ерекше рөл атқарады. Театр әр балаға қуаныш ұмтылмас әсер сыйлайды, оның көркемдік талғамын, еліктеуі мен қиялын дамытады.

Әдетте адамның жеке басының қасиеттері бес жасқа дейін қалыптасады екен. Сондықтанда да баланың жан-жақты қалыптасуы үшін мектеп жасына дейінгі бүлдіршіндердің бойына жақсы, жағымды қасиеттерді сіңіре білу керек.

Бала әр нәрсеге құмар, қызыққыш, ол өзінің айналасында болып жатқан өзгерісті, тамаша құбылыстарды сезінуге тырысады.

Оның жан-жақты дамып, жеке тұлға болып тәрбиеленуіне, тілінің дамуын театрландырылған ойындар арқылы жетілдіруге болады.

Ал, театрландырылған ойындарды балалар қызықтап ойнайды.

Аталған еңбектер мектеп жасына дейінгі балаларға арналған ертегілердің түрлері ұсынылып оны сабақта және бос уақыттарында пайдалану әдістері камтылған. Көркемәдебиет сабақтарында ертегілерді сахналауға және ертегіні рөлдерге бөліп ойлау арқылы мектепке дейінгі жастағы балалардың шығармашылық қабілетін арттыру міндеттері нақты көрсетілген.

Балабақшада даярлық тобында сахналық қойылымдардың тиімді жолдарын қарастырған. Қазақ ауыз әдебиеті – талай ғасырлардан келе жатқан мұра, сарқылмас бай асыл қазына. Одан халқымыздың өткенін білеміз, сол арқылы бүгінгі заманымыздың ұлылығын танимыз. Қазақтың мақал-мәтелдері болсын, жұмбақ-жаңылтпаштары мен ертегілері болсын – бәрі де балаларды Отанын сүйуге, ерлікке, елін қорғауға үндейтіні белгілі.


Балалар бақшасының тәрбиеленушілерін ауыз әдебиетінің үлгілерімен таныстырып, олардың өмірін байыта түсу тәрбиешілердің міндеті болып саналады.

Баланың шығармашылық қабілетін дамытуда ертегінің маңызы зор екендігін және сахналық қойымдар арқылы ертегі мазмұнын баланың санасына сіңру, түсіндіру, шығармашылықпен әрекет етуге баулу мәселесіне баса назар аударған. Театрландырылған көріністер арқылы бала өзін жан –жақты ашады, іс –әрекетке деген қызығушылығы арта түседі. Материалдың мазмұнында әдіс –тәсілдері түрлі -түсті суреттермен және балалардың іс - әрекет барысындағы фото суреттерінің берілуді еңбектің құндылығын қуаттай түседі. Тәрбиешілерге арналған әдістемелік нұсқаудың маңыздылығы тәжірибелік сабақтардың жан –жақты талданып ұсынылуында. Ең бастысы ертегіні сахналау -балалардың кейіптендіру дағдыларын қалыптастыруға, танымдық белсенділігі мен іс –әрекетке қызығушылығын арттыруға ықпал ететіндігімен маңызды.



«Аққайың»МДҰ

« Қош келдің, алтын күз!»



Дайындаған тәрбиеші: К.К Шынбергенова

Талдысай ауылы

2019 жылы



Қош келдің, алтын күз!

Мақсаты: күз мезгілінің ерекшеліктерін ұғындыру. Күз айларымен таныстыру, мерекелік көңіл-күй орнату.

Күзгі жапырақтармен безендірілген зал, ортаға әсем әуен ырғағымен балалар кіреді.

Жүргізуші: - Армысыздар, құрметті ата-аналар! Сәлеметсіздер ме, қонақтар! Бүгін біздің жыл мезгілдерінің ішіндегі ең бір кереметі – күз мезгіліне арналған «Қош келдің, алтын күз» атты ертеңгілігімізге қош келдіңіздер.

Тілегім – аман болсын ел іргесі,

Алтын күз қайта келді берекелі.

Молшылықтың жаршысы бола білді,

Алтын күз ырыс, береке ала келді! – деп баршаныңызды бүгінгі

«Алтын күз!» мерекесімен «Күншуақ» тобы құттықтайды!

Балалар хормен ән айтады: «Алтын күз»

Жүргізуші: Енді, балалар, мерекеміздің сәнін келтіретін Күз ханшайымын ортаға шақырайық.

Келші, келші, алтын күз,

Келші, келші, алтын күз,

Мерекені жалғастырып,

Ойнап күлші, алтын күз. *(Осы кезде әуенмен күз ханшайымы ортаға билеп шығады, қолыңда күзгі базарлығы бар)*

Күз ханшайымы: Сәлеметсіздер ме, балалар!

Уа, халайық, дархан далам армысың,

Табиғатым жаны жайсан тал мүсін.

Ханшайымы күздің бүгін келіп тұр,

Өздеріне әкелдім, күздің сыйын көз тартар. - Қандай әсем, әдемісіңдер?

- Сендерді көргеніме өте қуаныштымын.

Жүргізуші: - Қош, келдіңіз, төрлетіңіз! - Күз ханшайымы, мына сыйлықтарды балаларға берсек бола ма?

Күз ханшайымы: - Болмайды, бұл сыйлықты балалар еңбек етіп алулары керек. Күзгі жемістер мен көкөністер адамның еңбегімен келмей ме? Сондықтан балалар, маған өлең айтып, би билеп өнерлеріңді көрсетсеңдер сыйымды берем.

Жүргізуші: - Жоғары шығып отырыңыз, олай болса біздің балақайларымыздың өнерің тамашалаңыз.

Балалардың тақпақтары

Шабдалы

Піскен кезі дәл күзде
Мезгілсіз оны үзбе
Аузынан кетпес бал дәмі,
Менің атым шабдалы.

Аниса

Қызылша

Мен де бір сөз айтайын
Мақтанайын сіздерге
Менсіз борщ болмайды,
Винегретте үстелде

Алихан

Қырыққабат

Мақтанғаннан не пайда
Менсіз дәмді щи қайда
Мені косса самсаға
Бәрі жейді тамсана

Айерке

Қарбыз

Ала шапан киініп
Үлкейіпті қарбыздар
Жесең тілді үйіріп
Сусыныңды қандырап

Сайн

Қияр

Көктеп ерте шырмалап
Өсемін мен бүр жарып
Атым қияр теріп ал
Жиі-жиі суарып

Диас

Сәбіз

Өсіретін бойымды
Дамытатын ойымды
Қоянға да азықпыз
Сәбіздерміз жазықсыз

Зейнұр

Қауын

Білесіңдер ауылды
Ауылда өскен қауынды
Қауын деген сары алтын
Асыраған қауымды

Жеңісбек

Пияз

Болса да ащы
Дәмді етер асты
Өседі ол жерде
Тығып алып басты

Білімбет

Ойын: «Жаңғақ пен жемістер» жинау

Би: «Қыздар бні»

Аскабақ

Күзді күтіп жатырмыз
Жиып нәрді бойыма
Аскабақпын жараймын
Қыстай сақтап қоюға

Мәулет

Анар:

Бұтақтан үзілген
Жарылса анарым
Моншақтай тізілген
Дәндерін аламын.

Медина

Алма.

Мен алмамын, алмамын.
Таңдайда калар бал дәмәм
Жесең тілді үйірген
Пісіп тұрған алмамын

Айдария

Өрік.

Мен өрікпін, өрікпін,
Айналага көрікпін.
Дөп-дөңгелек сары
Ішінде бар дәні

Кира

Құлпынай

Жапырақта тасалап,
Өскен жері бақша-бақ.
Күрең қызыл шіркін-ай,
Оның аты құлпынай

Жұлдыз

Кортоп

Кортоп біздің атымыз
Жер астында жатырмыз
Бір тамырдан тараған
Ағайынбыз бәріміз.

Батыр

Алмұрт

Тіл үйірген алмұртпын
Таңсығымын бар жұрттың
Жақсы өсіре алмайды,
Қараса мені салғырт кім.

Айару

Жүзім.

Мен жүзіммін, жүзіммін,
Моншақ болып тізілдім.
Тіл үйірет дәмім бар
Құмарсындар білемін

Милена

Банан

Мен бананмын, бананмын
Таудай үлкен боламын
Түсім менің сап-сары
Ең дәмді боламын.

Бекдияр

Шие

Мен шиемін, шиемін,
Күннің көзін сүйемін.
Қышқыл шырын менде бар,
Төмен басты иемін.

Нұрай

Би: «Қырманға кел қалқатай»

Ән: «Кап-кап, тук-тук-тук»

Оған досым таң қалма!

Жапырақта сыйқырлы,

Ойын ойнар түр-түрлі!

Ойын: «Кім жапырақтарды жинайды»

Жүргізуші: - Олай болса, балалар, алтын күзбен «жапырақ жинау» ойын ойнап жіберейік.

– Балалар, күз ханшайымының сиқырлы орамалы бар, соңымен ойнағысы келеді, ойнағыларың келеме?

- Қане, шеңбер құрайық,

Билеп-билеп алайық.

Шыр етіп айналып,

Теріс қарап отырайық. *(Балалар теріс қарап тұрғанда күз*

ханшайымы ортаға орамал жабылған себетті қояды. Ал, балалар

енді бұрылып қарайық.)

Күз: Орамалды ашайық,

Астыңда не бар қарайық?

Бұл не?

Себет қой! *(Себеттің бетін жапырақтар жауып тұрады*

Екінші рет ойналғанда, себеттің ішінде алмалар болады. Бұл күздің сыйы деп балаларға таратып береді. Балалар алғыстарын айтады.

Берекелі бақ дәулет,

Артта түссін тойланып.

Сау болындар, балалар,

Келгенше жыл айналып.

Жүргізуші: Жомарт күздің біздерге

Берерін алып шашпайық

Алтын күз тойын сіздерге

Би шашумен қоштайық.

Ортаға балақайларымызды «Флешмот» биімен қарсы алайық. Осымен ертеңгілігіміз аяқталды сау болыңыздар.

«Туған жерім Қазақстан»



Дайындаған тәрбиеші: Г.Б. Мамбетова

Талдысай ауылы

2019 жылы

Тәрбие сағаты тақырыбы: «Туған жерім Қазақстан»

Тәрбие сағаттың мақсаты: Желтоқсан көтерілісінің сипатын насихаттай отырып, желтоқсан құрбандарын мәңгі есте сақтау: жас ұрпақ бойына еліне, жеріне, ұлтына деген патриоттық сезімін қалыптастыру.

Тәрбиеші: Сәлеметсіздер ме, құрметті қонақтар, тәрбиешілер мен бүлдіршіндер «Туған жерім Қазақстан» атты ертеңгілігіне қош келдіңіздер! Бүгін біз Қазақстанымыздың Тәуелсіздік алған күнін тойлағалы отырмыз. Бәрімізге мереке құтты болсын!

«Күншуақ» тобының ертеңгілігін бастауға рұқсат етіңіздер.

Балалар ән ырғағымен залға кіреді.

Әнұран айтылады.

Тәрбиеші: Қазіргі кезде ашық аспан, жарық күн сәулесі түсіп тұрған мемлекетте өмір сүріп жатырсындар. 1986 жылы 16 – желтоқсанда қазақ жастары Ортаңғы алаңға шығып, Қазақстан тәуелсіздігін талап етті. Осы желтоқсан көтерілісіне қатысқан ағаларымыз бен апаларымыздың арқасында армандаған тәуелсіздікке қол жеткіздік

Бас алаңда ел жосқан,

Жастар қаны жуған күн.

16 желтоқсан-

Тәуелсіздік туған күн – деп.

Біздің балаларымыз «Отан» туралы тақпақ айтып берсін.

Маулет:

Тәуелсіздік таңын сүйем

Таңымен бірге келеді ме өлең

Көк туына басымды ием,

Көгімізде желбіреген.

Нұрислам:

Әнді алысқа жеткіземіз,

Көкке елдің туы ілінді.

Жылда той қып өткіземіз,

Тәуелсіздік ұлы күнді.

Зейнур:

Маған қымбат ұлы елімнің

Шешек атқан әр гүлі.

Аялайды бәрімізді,

Азаттықтың таң нұры.

Алиха:

Желтоқсаның ызғары – ай

Кірпікке қатқан мұздар – ай

« Елім - ай» деп егілген,

Қаһарман ұлдар, қыздар- ай

Жеңісбек:

Туған елім, өзіңнің,

Жазираңды кездірдің.

Жайма –шуақ кезімнің,

Рахатын сездірдің!

Бектияр :

Туған елім – гүл елім,

Қасиетіңді білемін.

Өзіңе деп жүремін –

Лүпілдеген жүрегім!

Білімбет:

Отан!

Отан!

Бәрінен биік екен.

Мен оны мәңгілікке сүйіп өтем.

Еркін және өзге елмен

Терезесі тең болу.

Айдария:

Болдым ғашық, туған дала, мен саған,

Алыс жүрсем, арманым сен аңсаған.

Жакын жүрсем, мен төрінде рахаттың,

Алтын дінгек - өзім туған босағам!

Сандугаш:

Менде сөйлер сөз болса –

Өзің берген сөзің гой!

Менде көрер көз болса –

Өзің берген көзің гой!

Гулшат:

Мен де өзіңдей байтақ едім, кең едім,

Қызығыңды көріп еркін келемін

Сен де аямай бердің маған барыңды,

Мен де аямай барым саған беремін.

Айару:

Уа, дариға, алтын бесік - туған жер,

Қадіріңді келсем білмей, кеше гөр!

Жата алмас ем топырағыңда тебіренбей,

Ақын болмай, тасың болсам мен егер.

Кира:

О, туған жер, кең пейіл, құшағың кең,

Саған көңіл бұлқынар күш-ағынмен.

Сағынышымды қанат қып саған қарай

Балапандай талпынып ұшамын мен.

Отанды сүймеуің де күйік екен,

Отанды сүйгенің де күйік екен...

Диас:

Бірлігіміз жарасқан,

Арманымыз тау асқан.

Туған жердің шырдары,

Көк аспанмен таласқан.

Балаларды « Қазақтың ұлымын » атты өлеңмен ортаға шақырамыз.

Тәрбиеші: Балалар қазір біз « Кім білгіш» деген ойын ойнаймыз?Сұрақ – жауап арқылы.

- Балалар біз қай мемлекетте тұрамыз? (Қазақстан)

- Біздің балабақшамыз қалай аталады? (Аққайың)

- Біздің тұңғыш президентіміз кім? (Н.Ә.Назарбаев)

- Мемлекеттік рәміздерімізге нелер жатады?(ту, елтаңба, әнұран)

- Тудың түсі қандай?(көк)

- Ел ордамыз қай қала?(Нұр- Астана)

Жарайсындар балалар өте жақсы жауап бердіңдер. Мың бұралған қыздарымызды ортаға шақырайық қазақтың биімен: « Қазақ қыздар биі»

Айерке:

Тәуелсіздік –

Бақ туын.

Қолға ұстаған сәт бүгін,

Болсын дәйім шат күнім.

Айзере:

Тәуелсіздік – ел болу,

Ынтымақпен өрге озу

Милена:

Мен оның түнін сүйем, күнін сүйем,

Ағынды өзен, асқар тау, гүлін сүйем.

Мен оның қасиетті тілін сүйем,

Мен оның күдіретті үнін сүйем.

Еркежан:

Болдым гашық, туған далағ мен саған.

Алыс жүрсем, арманым сен аңсаған.

Жақын жүрсем, мен төрінде рахаттың,

Алтын дінгек – өзім туған босағам!

Медина:

Алақаны анамның – топырағың,

Сендік махаббатымның оты жалын.

Сені қалай сүюдің керектігін,

Мен ешқандай кітаптан оқымадым.

«Тәуелсіз қазақтың қызымын» атты әнімен қыздарды ортаға шақырамыз.

Сегіз қырлы бір сырлы жігіттерімізді ортаға сарбаздар биімен шақырамыз .

Қазақтың ұлттық ойыны арқан тартыс.

Хор: « Нұр – аға»

Тәрбиеші: Ал құрметті қонақтар осындай әдемі тілектермен, әндерімізбен бүгінгі ертеңілігімізді аяқтаймыз. Сіздерге тағыда мейрамдарыңыз құтты болсын. Аспанымыз ашық болып, Қазақстаным гулдене берсін.



«Аққайын»МДҰ


« Жасыл шырша жанында»



Дайындаған тәрбиеші: К.К Шынбергенова

Талдысай ауылы

2019 жылы



«Жасыл шырша жанында»

Мақсаты: Балалардың жаңа жыл мерекесі туралы түсініктерін қалыптастыру. Мерекелік көңіл-күй ортасын ұйымдастыру. Аяз ата, Ақшақармен мерекелік қонақтармен көңілді ойындар ойнату. Достық қарым-қатынас, бірлесіп ән айтып, би билеп көңілдерін көтеру.

Зал мерекеге сай безендірілген. Жаңа жылға арналған мерекелік өткізетін әсем безендірілген залға балалар қол ұстасып келеді. Екі жүргізуші екі жақтан шығады.

1 жүргізуші: Келді міне, көптен күткен жаңа жыл,
Ортамызда міне, жасыл шырша тұр.

Келіңіздер жылы жүзді қонақтар,
Таң қалдырар бізде қызық думан бар. -Сәлеметсіздер ме, қонақтар! Жаңа жылдық ертеңгілігімізге қош келдіңіздер. Жаңа жылда жаңа табыс, жаңа қуаныштарға толы болсын!

2 жүргізуші: - Бәрекелді, бәрекелді! Құрметті балалар, апайлар, ата-аналар барлықтарыңызды бүгінгі жаңа жылдарыңызбен шын жүректен құттықтаймыз. Келе жатқан 2020 жылы бәрімізге бақыт, шаттық, береке, бірлік әкелсін.

«Күншуақ» ортаңғы тобының дайындаған «Жасыл шырша жанында» атты ертеңгілігімізді алғашқы Жаңа жылдық құттықтау сөзді балабақшамыздың меңгерушісі: С.Қ. Яроваға береміз.

1. жүргізуші: - Олай болса не тұрыс, шырша жанына балақайларымызды шақырмаймыз ба?

2. жүргізуші: –Ия, біздің биылғы жылымыз тышқан жылы емес пе? Сен бір өзін келдің бе, әлде жанында кім бар?

Ортаға біргіндеп кейіпкерлерді шақырамыз. Ендеше балалар алыстан келе жатқан Аяз ата мен немере қызы Ақшақармызды ортаға шақырайық. /Балалар барлығы бірге дауыстап шақырады/.

Аяз атаның сөзі: Амамындар ма, ұлдарым,
Амансындар ма, қыздарым!

Қандай әсем жырларың,
Асулармен алысқан,
Асу желмен жарысқан.

Аталарын сендерге

Сыйлықпен келді алыстан. Әдемі де, көңілді балақайлар! Шыршаларын қандай тамаша безендірілген мен сендердің мерекелеріңе келдім. Жаңа жылды қарсы

алуға дайынсындар ма?

Ақшақар: - Сәлеметсіңдер ме, балалар! Орманды көктей өтіп жеттім-ау сендерге. Қандай әдемі, неткен сұлу шырша! - Ия, атай, барлығы ойдағыдай! Бірақ шыршамыздың шамдарын жарқырату керек!

Аяз ата: - Дұрыс айтасың, Ақшақар, менімен бірге қайталаңдар! «Шырша шамы жарқыра» - деп айтсақ шырша шамдары жанады. Кәне, бәріміз бірге айтайық. (Барлығы бірге айтады. Шырша шамы жарқырайды.)

Жүргізушінің сөзі: Атамыз алыстан шаршап келген боларсыздар, отырып балақайларымыздың өнерін тамашалаңыздар.

Би: «Аю мен Машалар» Білімбет, Кира, Медина, Айерке, Милена.

Ойын: «Сиқырлы қалта»

Би: «Сайқымазақтар» Жеңісбек, Бекдияр, Диас, Зейнұр, Алихан.

Ән: «Маленкие елочки» Кира, Медина, Милена

Би: «Аралар» Айдария, Айару, Сандуғаш, Гүлшат, Айзере.

Ойын: «Кім тез аққаланы салады» Ата-аналармен ойын.

Би: «Қояндар» Мәуліт, Нұрислам, Анарбек.

Ән: «Келді міне, Жаңа жыл»

Жүргізуші: Балалар білесіңдер ме, бізге биыл шошқа жылын шығарып салып, енді біз тышқан тышқан жылын қарсы алмақшымыз. Олай болса бізге бүгін қонаққа келген тышқандардан өнерін тамашаламасқа.

Жүргізушінің сөзі: Кел жаңа жыл, жаңа жыл, Бақшамыздың төріне.

Қарсы алайық ескі жылды

Қол соғып «тышқандар» биіне.

Би: «Тышқан биі»

Аяз ата мен Ақшақар сөзі - Балалар, біз де сендерге құр қол келген жоқпыз, сыйлықтарымызды ала келдік. Бұл сыйлықтарды сендерге бермес бұрын, сендер бізге қандай тақпақ жаттағандарыңды тыңдағымыз келіп тұр.

Балалардың тақпақтары.

Шырша да әнге қосылды

Шырқайтыны жаңа жыр

Шаттық нұры шашылды,

Өйткені бұл жаңа жыл.

Ән саламыз, би-билеп,

Жырдан шашу төгілді.

Бүгін біздің Жаңа жыл,

Қандай қызық көңілді.

Айдария

Анарбек

Ақ қар жапты шыршаны

Ақ жамылды айнала

Жарқыратып шамдарын

Шырша келді ортаға

Жаңа жылмен, жаңа жылмен,

Құттықтаймыз әрине

Әкемізді, анамызды

Қонақтардың бәрінде.

Бекдияр

Зейнұр

Шыршамыз да керемет,
Ойыншықтар тағылған
Алыс жақтан келіп тұр,
Аяз ата сағынған.

Жаңа жылға сәніміз,
Біздің айтар әніміз.
Келдің бе, аман алыстан,
Сәлем, Аяз атамыз.

Нұрислам

Кира

Жүзімізге күлкі ойнап,
Қанаттанды жанымыз
Жаңа жылды біз тойлап,
Шаттанамыз бәріміз.

Ақ сақалды таяқты,
Қалың қырау қабақты.
Аяз ата аямай,
Бізге сыйлық таратты.

Айерке

Гүлшат

Жаңа жыл, жаңа жыл,
Жаңа жылда, жаңа жыр.
Жасыл шырша жанында,
Билеп барлық бала жүр.

Аппақ тонға оранып,
Базарлықты мол алып.
Келді алыс сапардан,
Аяз ата оралып.

Диас

Білімбет

Жаңа жыл келгенде
Қуанып қарсы аламыз.
Аяз ата келгенде,
Билейміз ән саламыз.

Жаңадан тақпақ
Айтамыз жаттап
Жаңа жыл келді,
Жаңа жыл аппақ.

Айзере

Милена

Даланың да, қаланың
Думандатып отбасын
Тағы міне, Жаңа жыл,
Қақты уақыт қақпасын.

Аяз ата ақсақалды,
Ақ таяқты паң ата.
Асып өтіп асқар тауды,
Жеттің бізге таң ата.

Жеңісбек


Алихан

Әдемілеп біз ілген
Ойыншықтар тізілген.
Қандай жақсы шыршамыз,
Ән шырқайық баршамыз.

Тамаша, тамаша
Шыршамыз тұр жараса.
Басында әсем жұлдызы,
Көз тоймайды қараса.

Айару

Медина



Дала нұр, қала нұр,
Құтты болсын Жаңа жыл.
Жасыл шырша жанында,
Билеп барлық бала жүр.

Сандуғаш

Жаңа жылым мол болсын!
Басқан қадам оң болсын!
Төрле, төрле Жаңа жыл.
Бізге құтты жыл болсын!

Мәуліт

Бізбен бірге ойнайды,
Жаңа жылды тойлайды.
Барлық бала бақытты
Болса екен деп ойлайды.

Еркежан

Аяз ата мен Ақшақар сыйлықтар таратады.

Ақшақар: Мінекей, балалар, сендермен қоштасатын сәтте келіп жетті. Сендерді қимай тұрмыз, барлығың да көңілді, әдемі билейді екенсіңдер.

Аяз ата: Жаңа жылда, балалар, тек жақсылық көріңдер.

Ауырмандар ешқашан, мықты болу өзінен.

Ақшақар: Жаңа жылда, балалар, тек жақсылық көріңдер. Ақылды да, мейірімді болып өсе беріңдер! Сау болыңдар, балалар!

Жүргізуші: -Ия, рахмет сіздерге Жаңа жылда жаңа табысқа, жаңа қуаныштарыңыз көп болсын! Жаңа жылдарыңыз құтты болсын «Күншуақ» тобының дайындаған ертеңгілігі осымен аяқталды. Келесі кездескенше сау саламатта болыңыздар.

« Аккайың»МДҰ

«Ардақты ана, аяулы ана »



Дайындаған тәрбиеші: Г.Б. Мамбетова

Талдысай ауылы

2020 жылы

Балалар әуенмен залға кіреді, жарты шеңберге тұрады.

1.Жүргізуші : Қымбатты балалар, сүйекті әжелер мен абзал аналар, ардақты апалар, құрметті әріптестер және кішкентай ғана сүйкімді қыздарымыз сіздерді келе жатқан 8- наурыз Халықаралық аналар мерекесімен шын жүректен құттықтаймыз! Жүздеріңіз көктемнің шуақты күніндей жарқырап жана берсін, денсаулықтарыңыз мықты болып, шуақты күндер бола берсін! Сіздерге көтеріңкі көңіл- күй тілей отырып, « Күншуақ»тобының « Ардақты ана, аяулы ана » атты ертеңгілігімізді қабыл алыңыздар. Ертеңгілігіміздің алғашқы сөзін балабақшамыздың меңгерушісі : Сағыныш Қуандыққызына сөз береміз.

2.Жүргізуші :

Бәрімізге анасың,
Біз үшін күн боп жанасың.
Құтты болсын мейрамың,
Құттықтаймын анашым!

1.Жүргізуші:

Бүгін наурыздың сегізі,
Сұлулықтың негізі.
Әдемі сөз адамның,
Анаға айтар лебізі – деп, кезекті « Ақ мамам» әніне береміз.

Ән: « Ақ мамам» Хор

Балалар орындарына отырады.

2.Жүргізуші: Балалар аналарына өлең шумақтарын жолдайды.

Айару:

Сыйлаймын мен жырымды,
Сізге арнап жатпаған.
Мейрамыңыз бүгінгі,
Құтты болсын ақ анам!

Білімбет:

Таңдай қаға тамсана
Тіршіліктің басы – Ана!
Қыздырайық тойды біз,
Бар әлемге жарсала!

Сандығаш:

Анашымды сағына,
Оған ешкім жетпейді.
Анасының жанынан
Бөбегі де кетпейді.

Бектияр:

Еркелеткен баласын,
Өсіретін санасын.
Жағдайыңды жасайтын,
Кім сүймейді анасын.

Расул:

Ақ сүт беріп аялаған,
Кім жетеді анаға,
Анадан артық жан бар ма!
Мейірімін төккен балаға

Би: « Ха- фа-на -на»

Айзере, Гүлшат, Айдария, Айерке, Милена, Айша.

1.Жүргізуші:

Қайырымды қасиетті,
Ең ардақты ақ әжем.
Әрбір сөзі өсиетті,
Баға жетпес ақ әжем.

Бүгінгі мереке күні әжелерімізді де мерекелерімен құттықтаймыз. « Қариясы бар үйдің қазынасы бар» деп бекер айтпаған. Келесі құттықтауларымыз сіздерге арналады құрметті әжелер.

Ән: « Аяжаным »

Айдария:

Аналарды сүйеміз,
Сөзін ойға түйеміз.
Әжені де ардақтап,
Әдеппен бас иеміз.

Бекнұр:

Әжем үйге келеді,
Маған да сол керегі.
Тойдан алға кәмпитін,
« Құлыным» деп береді.

Кира:

Қуанамыз, сыйлаймыз,
Қуаныштың май гүлін.
Әжелерді құттықтап,
Жыр арнайтын күн бүгін.

2.Жүргізуші:

Армысыздар халайық,
Бармысыздар халайық.

Аналарды құттықтап,
Би де билеп алайық – деп көңілді биді тамашалайық, бірге көңіл көтерейік.

Би: «Әжелер»

Нұрислам, Зейнур, Расул, Мәулет, Диас, Алихан.

1. Жүргізуші: Келесі кезекте тақпақтарға берейік.

Женісбек:

Анашым анам,

Ризамын саған.

Тіліңді алам,

Ақылды анам.

Айерке:

Үн қатасың бал тілімен,

Еркелеймін әр күні мен.

Құттықтаймын анашым,

8- наурызбен.

Мидина:

Ана біздің күніміз,

Ананың біз гүліміз.

Балаларды қуантып,

Ұзақ өмір сүріңіз.

Айзере:

Еркелесем күлімдейтін,

Ұрысканы білінбейтін.

Маңдайымнан нискеп менің,

« Құлыншағым, күнім » дейтін.

Анарбек:

Баланың да тірегі,

Дананың да тірегі.

Ауырмасын ешқашан,

Аналардың жүрегі.

Милена:

Күн боп күліп балаға,

Ой жіберген санаға.

Мың бір сәлем жолдаймыз,

Ардақты абзал анаға.

2. Жүргізуші:

Әжемді мейрамымен құттықтаймын,

Айтатын ән, беретін гүлім дайын.

« Әжетай, сені жақсы көремін деп,»
Ақырын құлағыңа сыбырлайын- деп.

Ән: «Апа туған күніңмен» орындайтын: Кира.

1.Жүргізуші:

Көңілдердің хошын – ай,
Бар баланың досындай.
Ақ жүректі, кең пейіл,
Біздің жігіттер мен қыздар осындай, -деп кезекті тағы бір биге береміз.

Би: « Гүл чарлестоны »

Жеңісбек - Айару, Анарбек – Сандуғаш, Білімбет – Мидина, Бектияр- Кира.

2.Жүргізуші: Келесі кезекте аналар туралы такпақтарға берейік.

Зейнур:

Кел балалар ойнайық,
Көңілденіп тұрайық.
Күн астында шуақты,
Мерекені тойлайық.

Нүрислам:

Бәрімізге анасың,
Біз үшін күн боп жанасың.
Құтты болсын мейрамың,
Аман- сау бол анашым!

Батыр:

Аналар, арулар мен сұлу қыздар
Мәңгі әсем гүл болып қалыңыздар
Шын жүректен құттықтаймыз сіздерді
Ең бақытты ең ардақты болыңыздар.

Айша:

Айналайын ақ мамам
Балапанын мақтаған,
Анам барда әрдайым
Қуанамын шаттанам.

Би: « Американ биі» ұлдардың бәрі

1.Жүргізуші:

Алақай – ау, алақай.

Көктем келді балақай.

Музыка ырғағымен залға « Көктем аруы» кіреді.

Есік қағылып, ішке музыка ырғағымен көк көйлек киген Көктем ару келеді. Құшағында бір құшақ гүлі бар.

Ару көктем:

Мен көңілді көктеммін,

Былтыр келіп кеткенмін.

Көзін ашып бұлақтың,

Түбіне тал еккенмін.

Шуағын төгіп әлемге,

Жылуын күннің әкелем.

Табиғаттың төсіне,

Тіршілігін силаймын.

2. Жүргізуші: Амансың ба, Көктем аруы! Ұлан байтақ елімізге қош келіпсің! Шуағыңмен шаттандырап, нұрыңды мол төге бер.

Көктем: « Мынау менің құшағым толы қыр гүлін, гулдей жайнаған қыздарға, тәрбиешілерге, аналарға, әжелерге шашу етіп шашқым келеді» деп гүлді жерге шашады. Осы гүлдей құлпыра беріңдер. Аяулы аналар, әжелер мерекелеріңіз құтты болсын! Балалар мен сендерге қызықты ойын ала келдім. Ол ойын гүлді тез жұбына беру керек. Маған екі ұл бала екі қыз бала шыға қойыңдар.

Ойын: « Гүлді тез жұбына бер»

Көктем: Ал балақайлар өнерлеріңді көрсетіңдер. Қандай өнерлерің бар?

1. Жүргізуші: Біздің топтың балалары ортаға шығып көктемге жаттаған тақпақтарын айтады.

Диас:

Көктем, көктем, көктемде,

Құстар келіп жеткенде.

Қуанып бір қаламыз,

Әнмен қарсы аламыз.

Алихан:

Көктем келді бүгін,

Күнін төкті нұрын.

Сайрап барлық құстар,

Ән салуға құштар.

Гүлшат:

Түрлі – түсті әйбат,

Гүлдей шықты жайнап.

Қызыл – жасыл аймақ,
Қырға шықсақ ойнап.

Маулет:

Көктем, көктем, көктемде,
Күн күркіреп өткенде.
Нұр жаңбырды тосамыз,
Оны да әнге қосамыз.

Ән: «Анажаным» Хор

2.Жүргізуші:

Ару қыздар, сұлу қыздар,
Көктем меркесі құтты болсын!
Көңілді өскен балалар,
Күлім қағып тұрады.
Тойымызға сән, беріп,
Көктемге би арнап береді.


Би: «Анамызбен бірге билейміз »


Көктем аруы: Балалар мен орманға барып басқа аңдарды оятып,
ағаштардың қарларын ерітіп, орманды гүлге орауым керек. Келесі жылы
көктемде тағыда кездесерміз.Сау болыңыздар достарым!

Балалар: Сау болыңыз!

1.Жүргізуші:

Аяулы да алтын нұрлы анашым,
Жүрегіммен мәңгі бірге боласын.
Сен асқарсын, сен аспансың биіксің,
Сен дархансың, сен жомартсын данасын!
Құрметті аналар, ақ жаулықты әжелер, сүйкімді қыздар сіздерді тағыда
меркелеріңізбен құттықтаймыз.Алдарыңызда тұрған балаларыңыз сіздерді
қуанта берсін.Осымен ертеңгілігіміз аяқталды. Келгендеріңізге рахмет.Сау
болыңыздар!







ЖАНОВАЛЫК ЖАРШЫЛЫ

zhanovalyk_zharshyly@mail.ru

Тәрбиешілерге алғысымызды айтамыз

«Аққайың» мектепке дейінгі ұйымының тәрбиешілері бөбектердің ой-өрісінің кеңейіп, болашақта жан-жақты білімді болуы жолында бар күш-жігерін жұмсап келеді. Оған талай көзіміз жетті.

Алғыс айту күнінде де мазмұнды шара өтті. Атап айтқанда, тәрбиешілер Н.Сүлейменова мен А.Машева бірінші кіші топты, Г.Нұрғалиева мен Г.Елеусізова екінші кіші топты және К.Шынбергенава мен Г.Мәмбетова ортаншы топты мерекелік шараға жақсы әзірлеген. Балғындардың биі мен әніне, алғыс білдірген тақпақтарына риза болдық, еркіндігіне қуандық.

Осындай тәрбиешілерді мақтан етіп, алғыс білдіреміз.

Ата-аналар атынан **Б.Баймаханова, Ю.Кузаева.**
Талдысай ауылы.



№17 (2111)

11 желтоқсан 2020 жыл

Суретші

zhaniolyk_zharshysy@mail.ru

ЖАҢАЛЫК ЖАРШЫСЫ

«Зерек әже ізімен»

Талдысай ауылындағы «Аққайың» МДҰ-нда «Зерек әже ізімен» атты аналардың төл мерекесіне арналған әжелдер арасындағы сайыс болып өтті. Оның мақсаты – жас буынды қазақтың ұлттық салт-дәстүрімен, тағамдарымен, өнерімен тереңірек таныстыру. Өйткені, бүгінгі ұрпақ арқылы еліміздің болашағы басталады. Сол бүгінгі бүлдіршіндер ұлтымыздың құндылықтарын балаң шақта бойына сіңіріп өссе, ұлтымыздың бабадан келе жатқан үрдістері өшпесі анық.

Сайыста өзін таныстырумен қа-

тар, қолдан жасалған қолөнер бұйымдарын, тағам түрлерін таныстыру, басқа да ұлттық өнерді көрсету.

«Аққайың» тәрбиешілері ұйымдастырған шараға қатысқан әжелер Талшын немересі Арманмен, Алтын немересі Айдариямен, Ақтолқын немересі Білімбетпен, Райля немересі Мединамен және Сәнім немересі Кирамен қатысып, сайыс шартына сай өздерінің бойындағы өнерін көрсетіп, сауалдарға жауаптарын берді.

Барлығы да номинациялар бойынша марапатқа ие болды.

Е.САҒЫНЫШ.



